



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Ex Decreto Domini Gratiani dist. 15. De auctoritate quatuor Conciliorum.

urn:nbn:de:hbz:466:1-13589

Cibus, potus, Matrimonium. Cap. XLII.

1. Tim. 4.

1. Cor. 7.

Firmissime tene, & nullatenus dubites, omnē creaturam Dei bonam esse, & nihil reiiciendum quod cum gratiarum actione percipitur. Et Dei seruos, qui a carnibus aut vino abstinent, non tamquam immunda, quæ a Deo facta sunt, respiciere, sed a fortiori cibo & potu pro sola castigatione corporis abstinere. Nuptias quoque diuinitus institutas & benedictas. Et melius quidem si quisquam sine coniugio sit, ut liberius atque plenius cogitet, quæ sunt Dei, quomodo placeat Deo. Tamen illis, qui continentiam non uoluerunt, nullum esse peccatum, si uel mulier nubat, uel uir uxorem ducat. Nec solas primas nuptias a Deo institutas, sed etiam secundas & tertias pro eorum, qui se continere non possunt, infirmitate concessas. Eis uero qui siue coniugati: siue à coniugio liberi continentiam Deo uouerunt, admodum esse danabile, si uel illi conjugale opus uoluerint appetere, quo se non accessuros; uel illi repetere, a quo se recessuros: illi libera, illi communi protestati sunt uoluntate,

Malos misceri bonis. Cap. XLIII.

Matth. 3.

Firmissime tene, & nullatenus dubites, arcæ Dei esse Ecclesiam catholicam, & intra eam usque in finē sæculi frumento mixtas paleas contineri, hoc est: bonis malos sacramentorum communione misceri: & in omni professione siue clericorum, siue monachorum, siue laicorum, bonos esse simul & malos. Non pro malis bonos deferendos, sed pro bonis malos, in quantum exigit fidei & charitatis ratio, tolerandos. Id est, si uel in Ecclesia nullius perfidia semina spargunt, uel fratres ad aliquod malum opus mortifera imitatione non ducunt. Nec posse aliquem intra Ecclesiam catholicam recte credentem, beneque uiuentem alieno unquam maculari peccato, si cuiquam peccanti nec consensionem præbeat, nec fauorem. Utiliterque malos a bonis intra Ecclesiam tolerari, si hoc cum eis bene uiuendo, & bene moriendo agatur: Ut & uidentes & audientes quæ bona sunt, mala sua respiciant, iudicandos tamen a Deo pro suis malis operibus contremiscant: atque ita præueniente dono gratiæ de suis iniquitatibus confundantur, & ad bonam uitam per Dei misericordiam conuertantur. Bonos uero a malis intra ecclesiam duntaxat catholicam constitutis, non debere nisi operum dissimilitudine separari: ut cum quibus diuina communicant sacramenta, non habeant mala opera, quibus illi sunt criminiosi, communia. In fine uero sæculi bonos a malis etiam corpore separandos, quando ueniet Christus habens uentilabrum in manu sua, & permundabit aream suam, & congregabit triticum in horreum suum, paleas autem comburet igni in extinguibilibus, quando per iudicium iustum segregabit iustos ab iniustis, bonos a malis rectos a peruersis, bonos constituet a dextris, ma-

Alos a sinistris. Et ex eius ore iusti æternique iudicij sempiterna atque incommutabili prolata sententia, iniqui omnes ibunt in combustionem æternam, iusti autem in uitam æternam: iniqui semper arsurus cum diabolo, iusti autem regnaturi cum Christo.

Perseuerandum in fide. Cap. XLIII.

Hæc interim xl. capitula ad regulam ueræ fidei firmissime pertinētia, fideliter crede, foriter tene, ueraciter patienterque defende. Et si quem contraria his dogmatizare cognoueris, tamquam pestem fuge, & tamquam hæreticum abijce. Ita enim ista, quæ posuimus, si dei catholicæ congruunt, ut si quis non solū omnibus, sed etiam singulis uoluerit cōtraire, in eo quod singulis horum contumaciter repugnat, & his contraria docere non dubitat, hæreticus & Christianæ fidei inimicus, atque ex hoc omnibus catholicis anathematus appareat.

EX DECRETIS DISTIN. XV. Beatus Gregorius lib. 1. Regesti, Epistola 24.

C De auctoritate quatuor Conciliorum, & eorum approbatione per sanctam Ecclesiam.



SICUT sancti Euangelij quatuor libros, sic quatuor Concilia suscipere & uenerari me fateor, Nicæanū scilicet, in quo peruersum Arrii dogma destruitur, Constantianopolitanū quoque, in quo Eunomij & Mæcedonij error cōuincitur, & phesinum etiā primū, in quo Nestorij impietas iudicatur, Calcedonenſe uero, in quo Butychi & Dioscorique prauitas reprobat, tota deuotione complector, integerrima approbatione custodio, quia in his uelut in quadrato lapide sanctæ fidei structura conſurgit, & cuiuslibet uitæ atque actionis norma consistit. Quintum quoque concilium pariter uenero, in quo epistola, quæ liba dicitur, erroris plena reprobat, in quo Theodorus personam mediatoris Dei & hominum in duabus substantijs separas, ad impietatis perfidiam cecidisse conuincitur. Et in quo scripta quoque Theodori, per quæ beati Cyrilli fides reprehenditur, ausu dementię prolata refutantur. Cunctas uero, quas præfata ueneranda Concilia personas respiciunt, & respuo, quas uenerantur, amplector, quia dum uniuersali sunt consensu constituta, se & non illa destruit quisquam soluere, quos religant, & aut ligare & quos soluunt.

E X D E